

2 Timoti

Pâlaŋ Timotiyet zapat meluwaŋ sek zut kapi kumsasaŋaŋ

Zapat meluwaŋ kapi Pâlaŋ Timoti ŋen ewe kum same sek zut beye. Timotimagen zapat meluwaŋ ŋeŋaŋ kuyeen Pâlaŋ ewe mka katikŋaŋ mebeŋiŋ tati zemgwaŋtaŋ zet ke kum saye. Âpme zapat meluwaŋ zut kapiyet Pâlaŋ mka katikŋaŋ tati nâmpeme mepme Timotiyaŋ ekmak tati mukulem mpenak kegok nâmti kuye. Ma dâpmelaŋge ekŋenaŋ amobotnaŋ Lomayetnaŋ ekŋenmagen sisipeŋpeŋ omba mimindasâpm keyet weyaŋ eksese mulup mpeŋ mpeŋ tapmamayelen. Ekŋen dâpmelaŋge Epesa talip ekŋengat zapat meluwaŋ Pâlaŋ Timotiyet kuin ke kegogak mme ekŋengalen beme makumti zet zapat meluwaŋ keyet keŋan tazin ke mme ekŋengalen bembeyet nâmti Timoti kumsaye.

Zet ŋotekŋaŋ temaŋ kapigogaŋ 2 Timoti zapat meluwaŋ keŋan talip:

1:1-4 Zet yaŋbemti zenzeyelen zet

1:15-14 Pâlaŋ Timotiyet yayaŋ zet mti zeye

1:15-18 Pâlaŋ ikŋaŋgat totatatnangat yaŋaŋ zeye

2 Bimbiŋ zet notnaŋ Timoti ikŋaŋgat esemten zeye

3 Kan delaŋ zenzeyelen zet

4:1-8 Pâlaŋ bimbiŋ zet zemdelaŋ zemti zeye

4:9-22 Notn keŋ mbuteteyelen zetmak zet zemdelaŋ zenze zet

Mukukumak zet yaŋbemzenzeyelen zet

1 ¹Kawawaŋaŋ nin mama alakŋaŋ titiyelen zetik mimndamti nin ke ndame Kilais dolakŋaŋ mâbâgalen keyet penaŋ, neŋ Pâl Kawawaŋaŋ ikŋaŋ zemnemti Zisas Kilais egalen mulup an neŋ mamti egalen Zet Zapat Dolakŋaŋ Penaŋ zempalakŋaŋ bembeyelen nâmti nakumtetiye.

²Timoti nemun dolakŋaŋ, gâgât zapat meluwaŋ kapi kumgayap. Kawawaŋ Bim ma Amobotnaŋ Zisas Kilais egetmagengatnaŋ keŋ taolet ma aŋgalaŋ gogot ma keŋ sewakŋaŋ geŋmak wemti wembe.

Timoti nâmkînpêpe omba penaj tasaye

³Nej Kawawaŋgat sesewatpempti keŋj kwetetepmanen sokŋneyaŋ mbien kegogak mamiyap. Mti nej Kawawaŋ mandunduyawen gâgât otnâpeŋ mti nej wisikj manzeyap. ⁴Nit mebe kokot mbelinan geŋ nâgât omba suwanan. Ke otnâmti nej ewe gikti oloŋen penaj mimiyet nâyap. ⁵Mti nâmkînpêpe penaj tagain keyet kegogak maotnâyap. Nâmkînpêpe ke papdi Lois ma mamdi Yunis egetmagen tageyaŋ alak geŋ ewe keyegak kwatimtusumti timanik ke nâmâtâgeyaŋ. ⁶Keyepm nej gâgât nâmti pigok zesowap, nej betn ŋokdanen bewanen Kawawaŋaŋ taoletnaŋ mgaye ke wisatpiŋ mbutem mambanik. ⁷Geŋ pigok nâwanik, Kawawaŋaŋ Emetak Teŋaŋ nin kingagatgalen ku ndaye. Egaŋ windemak ma gogotmak ma keŋ sekj ekdamuŋ mti mamayet ndaye.

⁸Geŋ Amobotnaŋnnaŋgat yaŋaŋ zemkawaŋ besâti sakambuk palen ku mbanik. Nej ekgapmti mka katikŋan matalap keyet zet zesâti kegogak sakambuk ku mbanik. Geŋ Kawawaŋaŋ winde gasâpm keyepmti neŋmak kot tusumti Kawawaŋgalen Zet Zapat Dolakŋaŋ Penangat sisipeŋpeŋ palen moti nej mayapnok mamambanik. ⁹Egaŋ aŋgalaŋndemti yomengatnan ndatimti ndakumtetime amŋane teŋ bewen. Ke nnaŋgat pembedaŋnnaŋgat yek. Ikŋaŋgat pembedaŋgat ma keŋ taoletnaŋgapmti egaŋ keŋ taoletnaŋ mimndemti eweŋan baen kululuŋ ma msat ku sokbeme Zisas Kilaisimageset ndasâgât nâme weŋge. ¹⁰Ya alak Kawawaŋgalen keŋ taoletgat penanaŋ Zisas Kilaisiyaŋ koti ningat yomgat mti gakiye keyaŋ mkawaŋ bein. Egaŋ gakikiyelen winde mtopemti mdelaŋ zemti Kawawaŋgalen Zet Zapat Dolakŋaŋ Penageset mama kanzizit sosok msokbeye.

¹¹Âpme Kawawaŋaŋ nej Kilaisiyelen mulup anaŋ mamti Kawawaŋgalen Zet Zapat Dolakŋaŋ Penaj zempalakŋaŋ bemti zemkawaŋ bemindandayelen ma zemzikat indandayelen ombemneŋge. ¹²Kegogapmti nej yaŋaŋ keyelen kene sek sindem matiyap yaŋgut nej sakambuk ku miyap. Enenogat nej nâyap nej Kilais nâmkînpewan ma nej nâmkatikŋaŋ beyap egaŋ nâgât maman ma mulupm ke betnanen bewan ke egaŋ ekdamuŋ mmetnepeme zemdelaŋ zenze kan bewe. ¹³Zet katnaŋ penaj kapi geŋ neŋmagengatnaŋ nâmtiwanan keyegak mâti mmobanik. Mti Zisas Kilais nâmkînpemti mama ma am gogot mimi ke nin Zisas Kilaismagen tusumti manup ningalen zapat. ¹⁴Kawawaŋgalen zet katnaŋ penaj ke damuŋ mimiyet zemgeye ke damuŋ mmane tagawe. Emetak Teŋ ek keŋnan mamain egaŋ mukulem mgewe ke mbanik.

¹⁵Am sambe nâmkînpêpemak Esia msalengatnaŋ ekŋenaŋ nej bamkumnewien. Ma an zut Pigelusmak Elmogenes ekŋengat keŋangatnaŋ egelaŋ kegogak nâgât nâmtikŋaŋ kumnewun keyet zapatn ilak nânik. ¹⁶Nej Amobotnaŋaŋ Onesipolas imbi nembraŋane ekŋengat

keŋaŋ beme dolakŋaŋ mimindandayet mandunduyap. Egaŋ neŋ mka katikŋaŋ matalap keyet sakambuk mimipiŋ keŋŋ mme oloŋen mambein. ¹⁷Egaŋ Loma kapi mka temanengatnan koti nâgât mulup temaŋ mti sakwep natimat metneti bam naige. ¹⁸Keyepmti neŋ Amobotnaŋaŋ zemdelan zenze kanen kobe keyet egat kemberŋ otnâmpepeyet nâmti mandunduyap. Egaŋ Epesa mka temanen mulup omba penaŋ mimndeye ke giti ilak eknâmbanan.

Bemzenze zet kapi Kilaisiyelen kasa kuku anok mamayelen bemzein

2 ¹Âpme nemun Timoti, Zisas Kilaisiyaŋ keŋ taolet mgaye winde kemagen timane kwaopme mambanik. ²Am sambe ekŋengat zikalinan zet zema geŋ nâwanan. Zet ke an notnaŋ Amobotnaŋgalen mama mimi mâti katikŋaŋ bemti tati mamip. Ekŋen keboŋ indamane ekŋenaŋ ŋep am notnaŋ kegogak zemzikat indam mbep.

³Kasa kuku an dolakŋaŋ nukŋaŋ pumti mulup mamipnok geŋ Kilais Zisasiyelen kasa kuku an dolakŋaŋ mamti mulup nukŋaŋ ke pumane delaŋ zewe. ⁴An ŋenaŋ kasa kuku an mamain egaŋ mulup sambe notnaŋ ke temakwep ku maatam tazin. Egaŋ kasa kuku an ŋenaŋ egaŋ nâmpeme dolakŋaŋ bembeyet nâmti kasa kuku mulup dolakŋaŋ penaŋ mamin.

⁵An ŋenaŋ silimaimai msât mbe beme egaŋ zemâtâtât zet zenzeŋaŋ ke ku gawepuwe beme egaŋ penaŋaŋ ku tiwe. ⁶An ŋenaŋ meu mulup sek sindem timti mamm beme egaŋ mulup keyet keŋanen kwitnaŋ kwitnaŋ masokbein ke ŋenaŋ egaŋ yaŋbemti matim nin. ⁷Zet diŋgoyap kapi giti opemti nâmbanik Amobotnaŋaŋ nânândi mkawaŋ bembeme geŋ zet kapi nâmâtâbanik.

⁸Zisas Kilais ek Dewitgat sokŋaŋaŋ gakikiengatnan gilik zemwage keyet otnâmbek. Sakam keboŋ Kawawaŋgalen Zet Zapat Dolakŋaŋ Penanen tazin ke neŋ manzemkawaŋ beyap. ⁹Kawawaŋgalen Zet Zapat Dolakŋaŋ Penanŋapmti sindem temaŋ penaŋ matiyap. Mti an bekanan mimi an kegok senaŋ bem zamneme mka katikŋaŋ kapi matalap. Yaŋgut Kawawaŋgalen zet senaŋ zampeme ku matazin. ¹⁰Neŋ nukŋaŋ sepem igak igak sambe ke Kawawaŋaŋ amŋane indamakum indeye ekŋen keyepmti matiyap. Ekŋenaŋ Kilais Zisas yomengatnaŋ gilik zemindatitiŋaŋ ma ekmagen mama kanzizit tazin busatnaŋaŋmak ke ekŋenaŋ Kawawaŋ ikŋaŋmak tatagalen ke titiyet nâmti mamiyap. ¹¹Zet kapi penaŋ ke nâmkŋpene. Nin ekmak tusuwenn zenup beme nin ekmak gakiwenn bein. Kegok mti ekmak tusumti mamambanup. ¹²Giŋgiŋ mmambanup beme ekmak amobotnaŋ kegogak tabanup ma nin ek iyaŋ pewanup beme egaŋ kegogak iyaŋ ndewe. ¹³Ningalen zemkatik bembennaŋ bakŋaŋ bewe beme egaŋ zemkatik bembeyaŋ katikŋaŋ matazin. Egaŋ zet zut ku manzein.

**Kawawaŋgalen mulup penaŋ mamip ekŋengat
kwilin ikŋanggat zikatnan tazin**

¹⁴Geŋ amdine zet sakwalamti Kawawaŋgat zikatnan golaŋin ti. Ekŋenaŋ zet etaŋ keyet mdândândâ ku mit. Zet mdândândâ keboŋ ke yaŋepiŋ ma am zet keyaŋ maindawalezin. ¹⁵Kawawaŋ gâgât mulup anaŋ dolakŋaŋ nâmgenggeyet nâmti mulup winderanbeŋ mti keyet sakambuk ku mbanik. Ma geŋ zet penaŋ esemteŋ mzikat indawanik. ¹⁶Ma geŋ msat palengalen nânâ belakŋaŋ ma zet Kawawaŋ bamkumpepeyelen keboŋgat ku mzikat indawanik. Zet keboŋ keyaŋ amgat keŋin mme teenŋaŋ bemepme Kawawaŋ ku nâmkinpewep. ¹⁷Zet zikat indandaŋin yuŋguŋguŋaŋmak ke lingit temaŋ keboŋ bemti ma palakŋaŋ bemezin. Am ekŋen keboŋ ekŋenmagengatnaŋ an zut ŋen kwilit Imeniusmak Piletus egelaŋ zet keboŋgat ma zemzikat indamelip. ¹⁸An eget keyaŋ zet penaŋ ke katikpemtî am ekŋengat zet kilom pigok manzelup, “Nin ilak gakikiengatnan wabenn ya bam gakimti ewe ku wabanup.” Zet keboŋaŋ meti am notnaŋ ekŋengalen nâmkinpepenin mme mayuŋguin. ¹⁹Kawawaŋaŋ tepum kaliŋaŋ peme towege ke katikŋaŋ bemti tazin. Tepum keyet palen melowaŋ kapigok kumpepeŋaŋ tazin,

“Amobotnaŋaŋ amŋane ikŋanggat zapat mamaip ekŋen nâmindein.”
Ma zet ŋen ewe kapigok kumpepeŋaŋ tazin,

“Amobotnaŋgalen kwizapatnaŋ manzemkawaŋ bemmâlîp ekŋenaŋ myuŋguŋgu bamkumpeme delaŋ zewe.” (Aizaya 8:14; 28:16)

²⁰Âpme mka temaŋ ŋengat bati notnaŋ golaŋ ma silwayaŋ weyayaŋaŋ ma notnaŋ tewaŋ ma ampambelaŋ weyayaŋaŋ. Ekŋenmagengatnaŋ notnaŋ mulup dolakŋaŋ sakam ŋen ŋen mimiyelen ma notnaŋ tambu msasa kataŋ mulupmaŋ sasayelen. ²¹Keyepmti Timoti, geŋ mama mimindi mgasik sambe katikpemane delaŋ zeme kwetetepmaŋ penaŋ bemti tabanik beme geŋ batikondo mulup dolakŋaŋgalen keboŋ bewanik. Mti kwetetepmaŋ penaŋ bemti ŋep Amobotnaŋaŋ mukulem mgemti mulup dolakŋaŋ sakam ŋen ŋen mimiyelen weyaŋ tabanik. ²²An imbi nembip mamaiwaŋ bekaŋangat keŋin temaŋ keeset mambemaip. Geŋ mama mimi keboŋ kemagen kunzuŋbanik. Kogok mti geŋ naman mama mimi kwetetepmaŋ ke mâti nâmkinpemak mambanik ma am nodangat keŋdi bembe ma keŋ sewakŋaŋ mama ma am mama mimiŋin kwetetepmaŋ mamip ekŋenmak tusumti Amobotnaŋ masesewatsamti mambep.

²³Mti geŋ am zet katnaŋgat manzemkwelat mamip ekŋenmagen ku matamambanik. Nânik zet keboŋ keyet penaŋaŋ mamdândâip. ²⁴Âpme Amobotnaŋgalen mulup anaŋ zet mdândâ ku mbe. Egaŋ am sambe notn notn mimindemti an zikat indanda dolakŋaŋ mamti am ek peŋ peŋ mampep ekŋenmak keŋ sewakŋaŋ palen mambe. ²⁵Am zetnaŋ kulumti mobotnaŋ mamsaip ekŋenmagen musuwewet mulup sewak sewak palen

mbe. Âpme Kawawaŋaŋ ekŋen kan indawe mene beme nâmyuŋguŋuŋin zemsalaŋ beme Kawawaŋaŋ mme yominangatnan keŋin gilik zeme Kawawaŋgalen zet katnaŋ penaŋ ke nâmkinpewep. ²⁶ Sadaŋgalen aŋkapipilaŋ indomtapme egalen zetnaŋ gawepumti mambien. Yaŋ keŋin teŋ peme ke nâmtâtâti katikpempti kunzuŋ mebep. Keyet nâmti dundunup.

**Kululuŋ msat kanen delaŋ zesât tapmme mama
mimi mgasik omba penaŋ sokbewe**

3 ¹ Geŋ kapigok nâmbak kan delaŋ zenzeyelen kan bududuk tabeme mama mimi nukŋaŋ omba penaŋ msat suluŋti tabe. ² Am ekŋen kemagen set kapigok sokbewe: Ekŋenaŋ ilinaŋgat etaŋ yayaŋ mbep, mânepgat keŋin temaŋ tabe. Ilinaŋgat kwizet buŋamin mwatonzewep ma ilinaŋgat sekŋin mmobep. Ma Kawawaŋgat kwelatnaŋ kuwep ma ekŋenaŋ mambiwineyelen zet kuluwep. Ekŋenaŋ kwileki ŋeniyet wisikŋ ku zewep ekŋenaŋ mama mimi teŋ keyet wisat penaŋ mbep. ³ Ekŋenaŋ gogot palen ku mamip keyepm am notnaŋgat nukŋaŋinmak indamukulem mimiyelen nâmtikŋaŋ ku mbep. Ma am ekŋenaŋ nolinaŋgalen yomin ku katikpewep. Am ekŋenaŋ nolinaŋgat kwelat zet makuip. Sekŋinaŋgalen tikŋaŋ etaŋ maŋgawepup. Ekŋenaŋ zet mdândândâ mbep ma ekŋenaŋ kasa ŋenzinziŋ mbep ma ekŋenaŋ am kileŋ indomwalet mbep ma mama mimi dolakŋaŋ keyet ekŋenaŋ ŋenzinziŋ mbep. ⁴ Ma ekŋenaŋ noline zemindowep ma ekŋenaŋ sakwep ilinaŋgalen ŋoktik kileŋ mamâlîp ma ekŋen Kawawaŋgat tikŋaŋ ku manâip ilinaŋgalen sekŋinaŋgat etaŋ oloŋen mamip ⁵ ma ekŋenaŋ, “Nin an nâmkinpemak,” zeip keyaŋgut keŋinan Kawawaŋgalen winde ku tatindain. An ekŋen kemak sebemti mamapiŋ. ⁶ Am ekŋen zeyap ekŋenaŋ imbi nâmkinpepenin katikŋaŋpiŋ ekŋengalen mkaen moti tetimaemaeset ekŋenaŋ ekŋengalen zet mâbâgalen zet kelakŋaŋ mimindemti ekŋengalen ŋoktik mandamuŋ mip. Âpme imbi ekŋen keyaŋ ilinaŋgat yominangat ekme nukŋaŋ beye. Ekŋenaŋ sekŋinaŋgalen tikŋaŋ mâbien ⁷ ma ekŋenaŋ an ke ma keyaŋ kot diindome zelin nâmti nânâmak tabenup zewienangut Kawawaŋgat yaŋaŋ penaŋ ku nâmtâtâbien penaŋ. ⁸ Eweŋan Zanismak Zambilis egelaŋ Mosesiyet ŋenzinziŋ mti zetnaŋ mtopewun. Sepem kegogak am ekŋen kapiyaŋ zet penaŋ mtopewien ma keŋin kilom penaŋ beme Kawawaŋaŋ nâmkinpepenin mimindikme yek beme bamkumindeye. ⁹ Yaŋgut ekŋengalen zemzikat indanda dâsuki ke temaŋ penaŋ ku bewe. Nâmyuŋguŋuŋinaŋgat yaŋaŋ sokbeme am sambeyaŋ yaŋaŋin maekmâtâlîp. Eweŋan an zut Zanismak Zambilis egatmagen sokbeme ekbien keboŋ.

Kawawaŋgalen zet mkatikŋaŋ bemtatagalen

¹⁰ Kogogapm geŋ zet katnaŋ penaŋ zemzikat gawan keyet ma mama mimin ekbanan ma mulupmnaŋgat yaŋaŋ ma nâmkinpepenanaŋgat yaŋaŋ

ma sewakŋan mamann ma gogot miminn ma nukŋanŋen katikŋan bem tatatn ekmâbanan. ¹¹Ma am ekŋenanŋ sisipenŋen mname sek sindem palen mamkwaban. Neŋ Antiok, Aikoniam ma Listala mka temanen am ekŋenanŋ sisipenŋen mname sek sindem omba penaŋ timkwaban ke geŋ nânik. Yangut ku nome gakiwan Amobotnaŋanŋ aŋgalaŋ neme ewe mayap. ¹²Âpme am nâmkĩŋpepe dolakŋanŋmak mama ke mäsât mti Kilais Zisasmagen tusuwep ekŋenmagen sisipenŋen sokbemindawe. ¹³An bekaŋanŋ penaŋ ma an dâsukitoŋ ekŋengat mama mimiŋin bekaŋanŋatnaŋ bamset bekaŋanŋ penaŋ mambein. Ekŋenanŋ matetim indeme Sadaŋanŋ ekŋen kegogak matetimindein. ¹⁴Yangut geŋ zet zemzikat gamme nâmtimti keyet nâmkĩŋpemti mamaniŋ ke mkatikŋanŋ bemti tabaniŋ. Ma geŋ nânik gâlen zemzikat gangandine ekŋen an zikat indanda dolakŋanŋ. ¹⁵Geŋ otnâsenik geŋ anemba isikŋanŋ tapmane ekŋenanŋ Kawawaŋgalen zet teŋ ke zemzikat gamme nânâ keyet tiwanan. Ma zet keyaŋ am set ŋep zikat indame Zisas Kilais nâmkĩŋpemti egalen aŋgalaŋ gogolen mamayelen. ¹⁶Kawawaŋgalen zet meluwaŋen tapmezinen ke Kawawaŋanŋ ikŋanŋ zeme aneneyaŋ meluwaŋ mbien. Ma ke dolakŋanŋ am zemzikat indandayelen zet penaŋ. Ma amgalen mama mimi bekaŋanŋ manzem musuwetindein. Ma myuŋuŋguŋin weyaŋgalen ma keyaŋ am zemzikat indame Kawawaŋgalen set kwetetepmaŋ ke mâbâgalen. ¹⁷Keyepmti an ŋenaŋ Kawawaŋgalen mulup mme nânâ dolakŋanŋ timti mulup dolakŋanŋ sakam ŋen ŋen ŋep mbe.

Zet zapat penaŋ zemyuŋgumti zemzikat indandayelen golaŋ zet

4 ¹Zisas Kilais ek koti am gakikiŋanŋ ma alik zemdelanŋ zemindemti Amobotnaŋ tati am sambe indikdamuŋ msâpm keyepmti neŋ Kawawaŋ ma Zisas Kilais egegat zikalidan Kawawaŋgalen Zet Zapat Dolakŋanŋ Penaŋ zenzeyelen zemgwaŋnaŋ mgeye. ²Kogok ke kan kataŋ kananen ma belakŋanen kogogak mbanik. Mti geŋ sewak sewak paleset mama mimiŋin bekaŋanŋ zikat indamti musuwet indemti aŋkeŋoo mimindewanik. ³Nânik, amnaŋ Kawawaŋgalen zet zapat katnaŋ penaŋ bankumpemti ilinaŋgalen ŋoktik mâti an zikat indanda sambe ammagen meti zapat alakŋanŋ ilin amnaŋ tikŋanŋ igagen nânâyelen ke diindondoyelen kan belaknik daŋgosâpm. ⁴Mti ekŋenanŋ Kawawaŋgalen zet penaŋ ke peme tapme bemzet yaŋaŋ yaŋaŋ keeset wetekuwap. ⁵Yangut kwitnaŋ kwitnaŋ notnaŋ sokbewe geŋ katikŋanŋ bemti ewe giŋ giŋ palen mbanik ma sek sindem sambe titiyelen weyaŋ tabaniŋ. Mti am Kawawaŋgalen Zet Zapat Dolakŋanŋ Penaŋ mene mene diindowaniŋ. Geŋ am indamukulem mimiŋyelen mulup gangaŋanŋ ke weyaŋ ekdamuŋ mti Kawawaŋgat mulup mbanik.

⁶Neŋ gakikiyelen kan ilak sokŋan penaŋ kozin ma msalen mamann kapi katikpemti mebegalen kan sokŋan bein. Nâlen mama ma gakikin

keyaŋ Kawawaŋgat sesewatsasayelen sâpe sâpe keboŋ besâpm. ⁷Neŋ Kawawaŋgalen muluwen mamban ke sakam kasa kuku windenaŋ beŋ keboŋ mambene delaŋ zenzenaŋ patan zewan ma nâmkinaŋpepen ke atamkatikpewan. ⁸Keyepmti pilak teŋ mamayelen dopmaŋ Amobotnaŋ An kwetetepmaŋ zemdelan zenze egaŋ nâgât zapat kululuŋen zilem kwilik weyaŋ bemberaŋ tazin ke zemdelan zenze kanen nawe. Wa ke neŋ kwep yek, am sambe eknen ek nâmtiknaŋ mpemti egalen kokotnaŋgat damuŋ mamaip nsakwep ndawe.

Aŋkeŋoo delaŋ zenzenaŋ

⁹Geŋ set ke ma ke aikti neŋmagen sakwep kokogalen otnâwanik. ¹⁰Dimas ek msalen mama mimi keyet nâme tiknaŋ beme neŋ nemti Tesalonaika mka temanen kunzuŋ mege. Ma Kelesen egaŋ Galesia msalen mepme Taitas egaŋ Delmesia msalen mege. ¹¹Mebâpme pi Lukmak ndak etaŋ talupgapmti geŋ kosâti Makmak aikti kobanik. Enenogat egaŋ napmukulem mme mulup nep penaŋ mbalup. ¹²Âpme neŋ Tikikas ilak zempema Epesa mka teman ke mege. ¹³Geŋ kosât mbanigen neŋ Toloas mka temanen tâgâ melakandumak meluwaŋ Kalapas egalen mkaen bempewan ke timti kobanik. Papia muŋguŋ muŋguŋ mpepeŋaŋ ma papia songom seknaŋaŋ mimiŋaŋ ke pe ke mkokolak.

¹⁴Aleksandia an aenaŋ kwitnaŋ kwitnaŋ weyenaŋ an keyaŋ neŋ mka teman ke tapme omba penaŋ yungumnaŋge keyepmti bam maneti Amobotnaŋaŋ keyet dopmaŋ mutumsawe. ¹⁵Zetn zewan kataŋ egaŋ zemtalarat zet omba penaŋ mti windenn mtot peye. Geŋ egat eksemti mamabanik.

¹⁶Zet mulup neŋaŋ penaŋ yaŋbemti mban kan keyet an neŋaŋ zetgat ku napmukulem mnenge. Nem mekopme nenak taban. Neŋ Kawawaŋaŋ ekjengalen yom ke katikpepeyet dundum sawan. ¹⁷Yaŋgut Amobotnaŋ ikaŋaŋ neŋmak tati winde name neŋ Kawawaŋgalen Zet Zapat Dolaknaŋ Penanaŋ nep zemkawaŋ bema delaŋ zeme am Zuda mangleen ku sokbemberaŋ sambe ekjenaŋ nep nânâyelen. Kogok mnemti kasa ekjenaŋ nome gakiwakmagengat zemti Kawawaŋaŋ ikaŋaŋ mukulem mnenge. ¹⁸Mti Amobotnaŋaŋ ewe bekaŋaŋ yaŋaŋ yaŋaŋgatnaŋ angalaŋ nemti kakanemuŋ natetim moti kululuŋen gwaen ikaŋaŋ Amobotnaŋ tapme neŋ kandaŋaŋ mambap. Mamti am nâmkinaŋpepemak sambe nin kwesiŋ kwesiŋ sesewatpemti mamambanup. Ke penaŋ.

¹⁹Neŋ Pilisila ma apmaŋ Akwila ma Onesipolas egat imbi nembraŋane indamukuyapgat met zeman nâmbep. ²⁰Ilastas neŋmak tageyaŋgut alak ek Kolin mka temanen mege. Âpme Tolopimas egulak zawat mme keyepmti Militas mka temanen ke katikpema tapme neŋ koban. ²¹Geŋ mawalam kanaŋ ewe bembepiŋ tapme set ke ma ke aikti kokogalen

mulup mbanik. Âpme Yubulus ma Pudens ma Linus ma Kolodia ma
am notnne nâmkîŋpepemaŋ ekŋenaŋ gâgât kogogak gamukuip.

²²Amobotnaŋaŋ winde gawe ma egalen keŋ taolelaŋ geŋmak weweyet
nâmti dunduyap.